


國立故宮博物院珍藏



清代起居注冊

光緒朝
第四十七冊

清代起居注冊

光緒

國立故宮

博物院珍藏



光緒十九年正月上……一三四〇一
 光緒十九年正月下……一三四九五
 光緒十九年二月上……一三五三五
 光緒十九年二月下……一三五六九
 光緒十九年三月上……一三六〇九
 光緒十九年三月下……一三六四三
 光緒十九年四月上……一三六七五
 光緒十九年四月下……一三七七一
 光緒十九年五月上……一三七四三
 光緒十九年五月下……一三七八三
 光緒十九年六月上……一三八一三
 光緒十九年六月下……一三八五三
 光緒十九年七月上……一三八九九
 光緒十九年七月下……一八九四一



十七冊

清代起居注册 / 光緒朝 / (清)徐致祥等奉敕撰, --

民國76年：臺北市，聯合報文化基金會國學文獻館印
行，影印本

80冊 21公分

據國立故宮博物院藏手稿本影印

聯經出版事業公司總經銷

I. (清)徐致祥等奉敕撰

654.77/7974/76

NT\$ 68,800.00

76 · 02 · 0650

· 6500113

清代起居注册

光緒朝第四十七冊

資料提供者 國立故宮博物院

景印者 聯合報文化基金會國學文獻館

發行人 王必成

發行者 聯經出版事業公司

臺北市忠孝東路四段五六一號

電話：七六三一〇〇〇一六九五

郵撥：〇一〇〇五五九一三號

行政院新聞局登記證局版臺業字〇一三〇號
保有版權·翻印必究

中華民國七十六年二月初版

光緒朝共八十冊
定價每部新台幣六八八〇〇元

光緒十九年歲次癸巳正月初一日乙酉

上詣

奉先殿行禮

堂子行禮 辰初

詣

慈寧門外率王公大臣蒙古王貝勒貝子公文武大小

官員行慶賀禮禮成

詣 儲秀宮

慈禧端佑康頤昭豫莊誠壽恭欽獻皇太后前遞如意
長刻

御太和殿受王公大臣蒙古王貝勒貝子公額駙台
吉文武大小官員及朝鮮國使臣等朝賀禮禮
成

詣

大高玄殿拈香

壽皇殿行禮 午刻

御乾清宮陞座

賜近支宗藩等宴

詣 漱芳齋跪迎

皇太后幸漱芳齋看戲侍晚膳畢跪送

皇太后還儀鸞殿

駕還養心殿內閣奉

諭旨明歲恭逢

慈禧端佑康頤昭豫莊誠壽恭欽獻皇太后六旬

萬壽仰維

懿德普被宸區慶洽敷天敷臚率土允宜殊恩將沛加
惠藝林著於本年舉行癸巳恩科鄉試二十年舉
行甲午恩科會試俾茲多士忭舞觀光用副朕錫

類延

釐壽世作人至意該部即遵諭行

是日

起居注官貴鐸馮文蔚

初二日丙戌卯刻

上詣坤寧宮

陞座率王大臣等進肉畢辰刻

詣儀鸞殿

慈禧端佑康頤昭豫莊誠壽恭欽獻皇太后前請安
奉

皇太后幸頤年殿看戲侍晚膳畢

駕還養心殿內閣奉

諭旨上年順天直隸各屬被水成災業經分別蠲緩
糧租並截撥銀米小民諒可不致失所惟念今春
青黃不接之時民力未免拮据加恩著將通州三
河武清寶坻薊州香河甯河霸州保定文安大城
固安永清東安大興宛平涿州順義灤州清苑安
肅新城博野蠡縣雄縣安州高陽河間獻縣肅寧

任邱交河景州故城東光天津青縣靜海滄州平
鄉清河開州清豐東明長垣豐潤玉田深州武強
饒陽安平張家口廳等五十二州縣廳成災五六
七八九分村莊應納本年春賦地丁錢糧各項旗
租著緩至本年秋後啟徵其歉收三四分村莊應
納本年春賦地丁錢糧各項旗租著緩至本年麥
後啟徵又勘不成災之良鄉房山滿城定興唐縣

容城完縣祁州南皮鹽山無極南和任縣雞澤元
城大名南樂棗強隆平甯晉定州等二十一州縣
歉收三四分村莊應納本年春賦照常徵收其原
緩至本年麥後啟徵之歉收四分村莊應納光緒
十八年並節年地丁錢糧各項旗租同歉收三分
村莊應納節年地丁錢糧各項旗租均著緩至本
年秋後啟徵凡有應徵屯米穀豆草束竈課學租

通津二幫屯租旗產錢糧海防經費河道錢糧儲
備軍餉廣恩庫租永濟庫租兵部馬館租鑾儀衛
租代徵租暨出借倉穀籽種口糧牛具等項隨同
正項糧租分別緩徵津軍廳葦漁課納糧地畝內
有坐落武清天津二縣著歸入該二縣災歉村莊
一併查辦以紓民力該督卽刊刻謄黃徧行曉諭
務使實惠均霑毋任吏胥舞弊用副朝廷履端丕

閩嘉惠畿疆至意該部即遵諭行又奉

諭旨劉坤一奎俊奏查明蘇州等府屬被旱田地請

分別蠲緩錢漕開單呈覽一摺江蘇蘇州等府屬

田地上年入夏後被旱被風以致收成減色若將

應徵錢漕照常徵收民力實有未逮加恩著照所

請所有長洲元和吳縣吳江震澤常熟昭文崑山

新陽婁縣金山青浦武進陽湖無錫金匱江陰宜

興荆溪丹徒丹陽金壇溧陽太倉鎮洋等二十五
州縣拋荒未種長洲元和吳縣吳江震澤常熟昭
文崑山新陽婁縣金山青浦丹陽金壇等十四縣
節年復荒長洲震澤常熟昭文婁縣丹徒金壇等
七縣上年被旱無收丹陽縣屆徵十五年新墾常
熟縣展緩各年新墾長洲縣十三十四兩年昭文
縣十二年新陽縣二十四兩年太倉州別剩五

年鎮洋縣五六兩年新墾太湖華亭二廳縣荒廢
古墓屋基等田銀米長洲元和吳江震澤常熟崑
山新陽等七縣薄收吳江縣十二十三兩年新陽
縣十三年展緩新墾吳縣上年被旱薄收昭文縣
薄收最瘠次瘠田條銀崑山新陽二縣拋荒崑山
縣節年復荒蘆價田條銀丹徒縣被旱無收丹陽
縣拋荒蘆田課銀吳縣武進金匱丹陽溧陽五縣